



Soalan 1 – 5 berdasarkan bahan di bawah ini.

Baca bahan di bawah ini dengan telitinya dan jawab soalan-soalan yang berikutnya.

Syair Nasihat Penghujung Thamarat al-Muhimmah

- | | |
|--|--|
| <p>1 Tamatlah kitab dikarang orang,
akalnya pendek ilmunya kurang,
daripada sangat hajatku gerang,
diperbuat juga sebarang-barang.</p> <p>2 Melepaskan hati yang terbuku,
pengajaran kepada sekalian anakku,
mudah-mudahan betul tingkah dan laku,
perangai yang baik biar terpaku,</p> <p>3 Dengarkan tuan ayahanda berperni,
kepada anakanda muda bestari,
nasihat kebajikan ayahanda beri,
amalkan jangan malas dan ngeri.</p> <p>4 Ayuhai anakanda muda remaja,
jika anakanda menjadi raja,
hati yang betul hendak disahaja,
serta rajin pada bekerja.</p> | <p>5 Kerja kebajikan janganlah malas,
zahir dan batin janganlah culas,
jernihkan hati hendaklah ikhlas,
seperti air di dalam gelas.</p> <p>6 Menuntut ilmu janganlah segan,
ilmu yang benar jangan yang bukan,
iaitu, ilmu yang kebajikan,
di kitab ini sudah disebutkan.</p> <p>7 Hendaklah anakanda mengaji selalu,
dari yang lain lebihkan dulu,
had syarak <i>jangan dilalu</i>,
tidaklah anakanda beroleh malu.</p> |
|--|--|

Dipetik daripada “Syair Nasihat Penghujung
Thamarat al-Muhimmah”,
antologi *Baik Budi, Indah Bahasa*, Tingkatan 2,
Kementerian Pendidikan Malaysia

- 1 Berdasarkan syair, rangkai kata *jangan dilalu* bermaksud

- A biar dijaga. C usah dilanggar.
B baik diterima. D tidak dihalang.

Mentafsir (Ara R)

- 2 Menuntut ilmu janganlah segan,
ilmu yang benar jangan yang bukan,

Nyatakan kata-kata hikmat yang sesuai dengan pernyataan di atas.

- A Ilmu pelita hati
B Bahasa menunjukkan bangsa
C Kehidupan memerlukan pengorbanan
D Yang lahir memperlihatkan yang batin

Mentafsir (Ara R)

- 3 Apakah persoalan yang terdapat dalam rangkap kelima syair ini?

- A Orang yang baik memiliki hati yang bersih.
B Kebaikan seseorang itu dinilai dari segi zahir dan batinnya.

- C Keikhlasan seseorang itu dapat dilihat ketika dia menuang air di dalam gelas.

- D Kerja kebajikan harus dilakukan dengan penuh keikhlasan.

Memahami; Menganalisis (Ara S)

- 4 Berdasarkan rangkap ketiga syair ini, ayah menasihati anaknya agar

- A bertindak dengan betulnya.

- B rajin berbuat kebajikan.

- C tidak bersikap malas.

- D menjadi insan berakhlak mulia.

Memahami; Menganalisis (Ara S)

- 5 Yang berikut merupakan pernyataan yang benar berdasarkan syair **kecuali**

- A penyair telah tamat mengarang kitab.

- B ayah berharap agar anaknya akan menjaga tingkah laku.

- C anaknya masih muda dan sudah menjadi raja.

- D ayah menasihati anaknya agar rajin mengaji.

Menganalisis; Menyusun (Ara T)